



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 59. S. Fulgentius in Siciliam navigat.

[urn:nbn:de:hbz:466:1-66066](https://nbn-resolving.de/urn:nbn:de:hbz:466:1-66066)

Sæculum VI. aurum, quod Abbas Felix projecerat,
A. C. 506. repererunt, & laudantes Deum ad suos
 reversi sunt. Hujus facti immanitatem
 fama Carthaginem detulit, nam urbs
 Sicquensis in Provincia Proconsulari si-
 ta erat, & quidem Episcopus Ariano-
 rum, qui S. Fulgentium, & nobilissi-
 mum Genus, noverat, castigasset Pres-
 byteri sui improbitatem, si Fulgentius
 permoveri potuisset, ut eum accusaret;
 sed amicis, ut id faceret, instantibus
 dicebat: *Non licet Christiano in hoc
 mundo vindictam quævere. Dei est, fa-
 mulos suos tueri. Res forte multis scan-
 dalum pareret, si viderent hominem Ca-
 tholicum, & Monachum, coram Episco-
 po Arianorum Actionem movere.* Ex
 illa tamen Provincia discesserunt, cum
 mallent inter Mauros, quam Arianos
 fortunam experiri. In locum Patriæ
 suæ vicinum reversi novum Monaste-
 rium fundarunt.

§. LIX.

*S. Fulgentius in Siciliam na-
 vigat.*

c. 12.

Haud multum temporis effluxerat, cum
 S. Fulgentius, Monachorum in Æ-
 gypto vitam admirans, quippe Institu-
 tiones, & Collationes Cassiani legerat,
 illo

illo migrare statuit, partim quod mune- Sæculum VI.
 ri Abbatiali renunciare, & sub Obedien- A. C. 506.
 tia esse, partim quod magis rigidam vi
 tæ rationem amplecti cuperet. Itaque
 Carthaginem se confert cum Monacho,
 cui nomen Redemptus, & Navi se com-
 mittit Alexandriam petiturus. Cum Sy-
 racusas appulisset, hospitem exceptit Eu-
 lalius Episcopus, qui multis ornatus vir-
 tutibus Institutum Monasticum amabat,
 habebatque suum Monasterium, in quo
 omne tempus, quod a Functionibus su-
 pererat, transigebat. Is S. Fulgentium
 magna quidem charitate, sed tanquam
 vulgarem Monachum, in ædes admisit;
 verum inter vescendum pro Episcopo-
 rum mensæ assidentium more de Rebus
 divinis sermo misceretur, ubi Eulalius
 S. Fulgentium loquentem audivit, sta-
 tim cognovit, sub simplicis Monachi spe-
 cie magnum Doctorem latere.

Dum surgunt a prandio, Eulalius
 Fulgentium vocat, & intellecta itineris
 suscepiti causa, inquit: *Laudari mereris,*
quia vitæ perfectionem quæreris. Sed si-
 ne Fide impossibile est placere DEO.
Regio illa, quo tendis, a S. Petri Com-
munione separata est, & omnes bi Mo-
nachi, quorum admiramur abstinentiam,
tecum non communicabunt. Revertere,
 Fili

Sæculum VI. *Fili mi! ne in periculum mittas Fidem*
 A.C. 506. *Mibimetipsi adhuc juveni, antequam Episcopatum suscepissim, idem ac tibi modo in Ægyptum migrandi consilium fuit, & eadem causa deterruit.* Morem suadenti gessit S. Fulgentius, consensitque, ut aliquot menses Syracusis maneret. Tunc S. Fulgentius in ædicula, ab Eulalio sibi concessa, etsi sibi ipsi arcta annona præberetur, peregrinos recreare cœpit, quod Eulalium admiratione implevit, & gaudio.

c. 13.

Ubi hyems transit, S. Fulgentius itinere terrestri Siciliam pertransiit, ut inviseret Episcopum Africanum nomine Rufinianum, qui Persecutionem fugiens, in exiguam Insulam se repererat, & ibi Monachi vitam ducebat. Cum virum hunc invenisset, eum quoque super itinere in Ægyptum suscipiendo consuluit, qui etiam nullatenus id consilii approbavit. Itaque Fulgentius, antequam rediret in Africam, oblata occasione utilavit, & ad Limina Apostolorum proficisci. Illuc pervenit eodem tempore, quo Rex Theodoricus, nempe anno 500. dum tota Civitas lætitiam profitebatur. Præsens quoque adfuit orationi, quam Rex coram Senatu, Populoque pronunciavit, tanta, quanta illis temporibus Roma

S. Fulgentius

Roma valebat, Pompa. De hoc Spe-Sæculum VI.
 Etaculo S. Fulgentius ad Fratres, qui i- A. C. 506.
 psum comitabantur, dixit: *Quanta pul-
 chritudine Cœlestis Jerosolyma fulgeat,
 necesse est, dum tantus terrestris Romæ
 est splendor! si tantus honor in hoc Mun-
 do vanitatis amatoribus conceditur, quan-
 ta erit Sanctorum, qui veritatem contem-
 plantur, Gloria?*

In Africam reversus, novi Monasterii Fundator extitit in Provincia Byzacena, largitionibus cuiusdam nomine Sylvestri adjutus, ibique magno Monachorum numero præfuit. Rursus autem solitudinis amore ductus in alio Monasterio in aliqua Insula posito se abscondit, ubi majori rigore antiqua Disciplina observabatur. Ibi ut simplex Monachus versatus est, manu sua libros describens, & ex Palmarum foliis conficiens flabella, mitigando calori in fervidis plagis necessaria. Interim Abbas Felix, & Monachi ejus, cum explorassent, ubi Fulgentius degeret, Faustum Episcopum coegerunt, ut sibi eum tanquam Monachum suum reposceret. Quamprimum Fulgentius rediit, eum derepente Presbyterum ordinavit, ne amplius vel Monasterium relinquere ipse posset, aut in alia Ecclesia ordinari. Nam fama viri

totam

Sæculum VI. totam Africam pervaserat, suissetque in
A. C. 506. Episcopum postulatus, si Episcopos or-
dinare tunc licuisset; illo enim id con-
tigit tempore, quo Trasamundus Epis-
copos ordinari vetuerat. Sed hoc ipsum
Mandatum Fulgentio, populorum des-
iderium non ignorantis, maximopere pla-
cebat. Postea sciens, Episcopos decre-
visse, ut hujus Legis nulla habita ratio-
ne ordinarent, tanta industria se ocul-
tavit, ut inveniri non potuerit, & post-
quam in pluribus locis suisset electus,
Fideles coacti fuerint alium eligere.
Tandem ubi rescivit, plurimis Cathe-
dris Episcopos fuisse datos, & neo-Ele-
ctos ad Exilium damnatos, credidit pe-
riculo se defunctum, & ad suum Mona-
sterium rediit.

§. LX.

S. Fulgentius Episcopus.

Civitas Rusensis neandum Episcopum
habebat ob ambitionem Diaconi,
nomine Felicis, cui sat virium erat, ut
Electiōnem alterius impediret, sed nulla
merita, propter quæ ipse eligi posset.
Optimi civium, quia sciebant, S. Ful-
gentium adhuc in Ordine Presbytero-
rum esse, adierunt Primatem Victorem,
cum Carthaginem devehēretur, & li-

e. 17.

cen.